

ihre Red in aller Welt ende. Er hat d' Sönen ein Hüttē in derselbigen gemacht/ vñ dieselbige gehet heraus wie ein Preutigam auß seiner Kammer / vnd ist fröwend wie ein Held zu lauffen den Weg. Sie gehet auff an einē Ende des Himmels/ vñ laufft vñ bis wider an dasselbig Ende. Genes. 2. Vnd Gott d' Herz pflanket einen Gartē in Eden/ gegē dem Morgen/ vñ setet den Menschē darein/ den er gemacht hat. Vnd Gott ließ auffwachsen allerley Bäum d' Erkandtnuß Gutes vnd Böses. Vñ es gieng auß dem Edē ein Fluß zu wässern den Gartē/ vñ theilet sich daselbst in 4. theil od' Hauptwassere. Das erst heist Pison/ dz fleust vñ das ganz Land Heuila: vnd daselbst findet man Gold/ vñ dasselb Gold des Landts ist köstlich: vñ da findet man auch Bedelion/ von dē Edelen Gestein Onyx: Welcher Ohrē hat zu hörē der hörē. Das ander Wasser heist Sihorn: das fleust vmb das ganze Nohrenland. Das dritt Wasser heisset Hidkel / das fleust für Assyriē. Das vierdt Wasser ist d' Phrat. Diser Garten ist nit ein Leiblicher Gartē: Es hat weit ein andern verständig. Daruñ bistu ein weiser Philosophus, so hab acht auff dē Fluß/ der sich theilet in vier Haupt Wasser: Als dz erste/ daß da heist Pison / das fleust vmb das ganz Land Heuila: vnd dasselbig Wasser so vil Gold helt/ vnd köstlicher ist/ dan dz ander Gold. So lifestu 1. Mofi 4. Das Cain beschlüß sein Weib/ die gebar Hanoch: derselbig bauet ein Statt/ die nennt er auch Hanoch. Nun ist zu der zeit kein Metall in dem Erdtrich gesucht worden/ dann man hat noch nit Leuth gehabt/ die gearbeitet hetten: sonder Enoch war der dritte/ der nach Adam geborē war. Ich werde dir sagen von einem Stein/ vnd ist kein Stein/ es ist wie ein Wasser: Staub/ es ist kein Staub/ es ist wie ein dicke geronnē Milch/ vñ ist kein Milch: Es ist auch kein Leimē: Es ist wie ein grün giftig Ding / da die Fröschē darunter hockē / vnd ist kein Gift: Es ist ein Medicin. In summa, es ist die Erd/ vñ die keusche Jungfraw/ dauon Adam gemacht vnd geschaffen: vnd ist vnser Himmelscher Sohn/ der die keusche Jungfraw geboren hatt/ wie du lifest im ersten Capitel/ vnd wie der Meister vnd Philosophus

l
fophus